

	1687	88	89	90	91	92	93	Sum
Jan.			333	707	197	054	218	1509
Febr.			393	171	112	168	078	922
March			375	145	476	342	298	2136
April			468	073	386	498	539	1969
May			182	244	300	330	093	1149
June			302	179	412	416	181	1490
July			120	218	285	448	112	1183
Aug.			222	402	193	198	668	1683
Sept.			442	405	215	607	641	2306
Octob.			740	760	165	273	514	2457
Nov.			415	717	230	140	627	2139
Dec.			300	262	169	892	261	1952
Sum			4860	4291	3140	4372	4230	20893

*An Account of an Accurate Experiment of the Quantity of Vapour compared with this of the Rain, with several Observations thereon, is intended to be part of one of the next Transactions.*

## VII. Historia Lumbaginis Rheumaticæ Convulsivæ, à Roberto Pitt, M. D. & S. R. S. Communicata.

**V**IR erat quasi 35 Annorum, robustus Temperamenti Biliosi, qui Decimis colligendis eo tempore occupatus, post Operam laboriosam peros forsan cito nimis ex rigore admisso occluserat.

Primâ ergo Morbi Invasione febricitavit, primo, rigore & Horrore, dein Calore, & Deliribus vagis, (nunc in Ventriculo & Intestinis, mox in Pectore sævientibus) correptus: Venâ hæc Symptomata cum aliis brevi permutantur. Materia enim Morbum committens se in Dorso omnem deposuit; hinc immanis Lumborum Dolor ad Coxendicem

*endicem usque sæviens. Et quidem tantus erat Dolor, ut Sudores Symptomaticos sic expresserit, ut à Capillis & Facie guttæ catervatim stillarent. Præ Dolorē neque in lecto procumbere nec erectus stare, nec in sedili sedere potuit: Verum Abdomine ad spondam pedum fulcris protruso, Dolorem Lumborum compressionē illā aliquo modo fallere videbatur. Sed neque sic inclinato corpore, quietus (ut voluit) perstare usque potuit: Sed Convulsionibus correptus primò erigebatur cum vultu miserabili, & ringenti Ore, dein in humum retorquebatur (nisi adstaret aliquis qui Casum ejus præveniret) ubi immotus Cadaveris instar manebat, sese movere inhabilis, neque majori ad surgendum potentiâ donatus, quàm si esset Infans. Brachia etiam & Crura ei prostrato rigeabant, ut nullo modo extendi retrahere possent. Os etiam Convulsionibus ita claudebatur, ut Cochlearē vix admitteret. Convulsionēs autem illæ quibus Membra & Dorsum corripiebantur, per Paroxysmos redibant; non quidem Periodicos, sed nunc citiùs, nunc seriùs redeuntes, prout Dolor magis minusve sæviret. Sed eum ad positionem suam optatam Spondam Sc. reducimus, ubi vultu ita erat composito, qui risum sane cuiquam videnti faciliè moveret, nisi Recordatio earum quas sustinebat miseriarum, Misericordiam potiùs excitaret. Sic autem Dies Noctesque Misellus Homo tres plus minùs septimanas transiebat, nunquam in Lecto discumbens insomnis ut plurimum, cum Dolorē summo, crebrisque Convulsionibus. Hæc sunt quæ in eo observare potui Symptomata; cætera sanus. Nulla erat Vomituritio. Pulsus fortis & æqualis. Lingua humida, & pelliculâ albâ obducta. Sanguis per Venæ sectionem eductus, Sanguini Pleuriticorum similis. Urina ut sanorum. Quid per primam septimanam factum sit, nescio; nisi quod Vena semel pertunderetur, semel Clyster, & semel purgans Medicamentum administrarentur, & vis satis magna Laudani sine fructu exhiberetur. Sed incassum hæc omnia. Tandem me accersi curant, qui cum Ægrum vidissem eo quo scripsi modo laborantem*

rantem Venæ sectionem repeti jubeo ad satis largam quantitatem. Die proximo Lenitivum præscripsi, quod dum per sedem ad 3. 4<sup>o</sup>e vices operabatur; Æger rectus obambulare potuit, nullis doloribus, nec Convulsionibus laceffitus: quo tandem suo munere perfuncto, redeunt statim Dolores & Convulsiones, & ipse ad pristinam suam stationem Spondam sc. redit. Hoc tamen Animos addidit, Purgationes repetitas rem ipsam expedire posse, cum primum Purgans eas à Morbo inducias daret. Die ergo sequenti Resinam Jalapii & Mercurium dulcem exhibui (cum expertus essem quid in Lumborum Doloze valeret hoc Medicamentum) sed præter spem, ne semel quidem deposuit Æger, quamquam ꝑj. Syr. e Spin. Cervinâ adjecerim. Ut ergo duro huic Nodo, durum satis adaptarem Cuneum, Purgantium Dosis auxili, Syr. e Spin. Cervin. ad ꝑj. ꝑiij<sup>o</sup>e alternis diebus adhibens. Sic tandem Alvus aperta est, & Dolores mitigari, & Convulsiones non ita crebro laceffere. Serum Lactis, ut ad libitum hauriret, permisi. Et cum Alvus purgantibus responderet, Laudanum tutius & liberius exhibere potui, unde Requiem Spiritibus à Morbo simul & Medicamentis exagitatis conciliarem, nec tamen materiam Morbum committentem ab eo incarcerarem. Sic tandem factum est ut à repetitis his Purgantibus, octo puto, aut decem, evanuit Dolor, & convulsiones cessârunt, & ipse fartus tectus valet. Ego interim ut à Recidivâ caverem, Nervina Medicamenta, quæ Sanguini & Spiritibus vigorem imprimerent, adhibens; Eum vegetum vividumque & Onera Humeris sustinentem, nuper vidi. E memoria fere excidebat, suras ei convalescenti intumuisse, qui tumor his ultimis Medicamentis facile cessit. Suadebam ego frequentiorum Venæ sectionem, sed cum Rusticis idem jonat, Sanguinem & Vitam ipsam effundere. Sed æquè feliciter mihi cesserunt Purgantia repetita.